



შირაკი

SHIRAKI

გამოქვეყნდა 1937 წლიდან

დედოფლისწყაროს მუნიციპალიტეტის გაზეთი

№10 (10.018)

2-9 აპრილი, 2022 წელი

ფასი: 60 თეთრი

ყოველკვირეული გამოცემა

ბრალდებით ჩაკლული სიკეთე

დედოფლისწყაროს მუნიციპალიტეტმა უკრაინელ ხალხს თანადგომა ომის პირველივე დღიდანვე გამოუცხადა. უკრაინელი ხალხის დასახმარებლად, ჰუმანიტარული აქციის ფარგლებში, დედოფლისწყაროში 40 000 ლარის ღირებულების ტვირთი შეგროვდა და გაიგზავნა. როგორც დედოფლისწყაროს ადგილობრივი ხელისუფლების წარმომადგენლები გაზეთ „შირაკთან“ საუბრისას აცხადებენ, აქტივობა მოსახლეობისა და კერძო სექტორის მხრიდან საკმაოდ მაღალი იყო. ამიტომ ტვირთის მოცულობაც შესაბამისი აღმოჩნდა. ხელისუფლების წარმომადგენლები მადლობას უხდებიან ყველას, ვინც გულთან ახლოს მიიტანა, გაითავისა უკრაინელი ხალხის ტკივილი და მათ თანადგომა ამ ფორმით გამოუცხადა.



მაღალი მოქალაქეობრივი თვითშეგნებისა და ქველმოქმედების მიღმა აღმოჩნდნენ ისეთებიც, რომელთაც მიიჩნეის, რომ ზოგიერთებმა „უკრაინელების ჭირით იხიერეს“ და შეგროვილი ტვირთის ნაწილი თავიანთი სურვილისამებრ, არამიზნობრივად განკარგეს. ეს ვარაუდი არაერთ ადგილას მოვისმინეთ. მოსახლეობას აინტერესებს, მათ მიერ გაღებული დახმარება გაიგზავნა უკრაინაში, თუ მავანთ მართლაც არამიზნობრივად გამოიყენეს ის? - ამის გარკვევას გაზეთი „შირაკი“ შეეცადა.

ჩვენ დედოფლისწყაროს მუნიციპალიტეტის მერიის შიდა აუდიტის სამსახურის უფროსს ანა კიკილაშვილს მივმართეთ, რომელიც უშუალოდ იყო ჩართული ტვირთის დახარისხების პროცესში.

„უკრაინაში მიმდინარე მოვლენებს ყველა ჩვენგანი ვადევნებთ თვალს. უკრაინელი ხალხის დასახმარებლად მთელი საქართველო დაირაზმა. ჩვენი მუნიციპალიტეტის მოსახლეობამაც გულთან ახლოს მიიტანა უკრაინელი ხალხის გასაჭირი და ომის პირველივე დღეებიდანვე დაიწყო პროდუქტებისა თუ ტანსაცმლის შეგროვება უკრაინაში გასაგზავნად. პროცესში აქტიურად ჩაერთნენ მერიისა და საკრებულოს, ორგანიზაციების და დანესებულეების თანამშრომლები, ბიზნესმენები, რიგითი მოქალაქეები. ტვირთი გროვდებოდა მუნიციპალიტეტის სპორტისა და ახალ-


გაზრდულ საქმეთა ცენტრის დარბაზში, ხდებოდა მისი აღრიცხვა. შეგროვილი პროდუქტი შემდგომში დასაწყობდა (დალაგდა) სახეობების მიხედვით, შეიფუთა სატრანსპორტოდ და ჩვენი მუნიციპალიტეტის სახელით უკრაინელი ხალხის დასახმარებლად გაიგზავნა. ეს საკმაოდ შრომატევადი პროცესი გამოდგა. უბრალოდ, წარმოიდგინეთ, თითოეული მოქალაქის მიერ კილოგრამობით მოტანილი პროდუქტების ჯერ დახარისხება, შემდგომ ყუთებში ჩალაგება, შეფუთვა, წარწერების მიკვრა და გასაგზავნად დატვირთვა. სათქმელად იოლია, მაგრამ ამის უკან დგას რამდენიმე ადამიანის უანგაროდ დაღვრილი ოფლი და განუული შრომა (გაიგზავნა 4500 კილოგრამი პროდუქტი). მერიის სახელით დიდი მადლობა მინდა გადავუხადო თითოეულ დედოფლისწყაროელს, ვინც გულთან ახლოს მიიტანა სხვისი გაჭირვება, თვითონ მოიკლო და სხვას მაინც გაუნოდა დახმარების ხელი, მადლობა ბავშვებს, სკოლის მოსწავლეებს, რომლებიც ასევე აქტიურად იყვნენ ჩართულნი ამ პროცესში. არ შემიძლია არ აღვნიშნო მიხეილ გურაშვილის, სოსო პოპიაშვილის, გია თემურაზოვის, დასუფთავების სამსახურის თანამშრომლების მიერ უანგა-

როდ განუული შრომა, დიდი მადლობა მათ გვერდში დგომისათვის, მადლობა კულტურისა და სპორტის ცენტრის თანამშრომლებს, რომლებიც გვერდით გვედგნენ მთელი ამ პერიოდის მანძილზე და გვეხმარებოდნენ.

-ამის მიუხედავად, ხალხში მაინც გაჩნდა ეჭვი, რომ ტვირთის დახარისხების შემდეგ მისი საუკეთესო ნაწილი ვიღაცების სურვილისამებრ განაწილდა. რას იტყვით ამ ბრალდებაზე?

„მეც მოვისმინე რამდენიმე ადამიანის მიერ გამოთქმული აღმფოთება: „ჩვენ უკრაინისთვის მოვავროვებთ ტანსაცმელი და ამით აქ დაარჩევს“. საქმე კი იმაში გახლავთ, რომ შეგროვილი ტანსაცმელი საკვებ პროდუქტთან ერთად გაიგზავნა თბილისში შემდგომი ტრანსპორტირებისთვის, მაგრამ უკან დაგვიბრუნეს. პროდუქტი გაიგზავნა, ტანსაცმელი არა. მინდა გითხრათ, რომ სწორადაც მოიქცნენ, რომ დააბრუნეს. მოტანილი ტანსაცმლის დაახლოებით 10% იყო ე.წ. „ურემი“, გასაგზავნად ვარგისი, ახალი და ახალთან მიახლოებული, 20-25 % პირდაპირ დასაწვავი! დანარჩენი ნაწილი კი ნაილო ჩვენმა სოციალურად დაუცველმა მოსახლეობამ. ასევე სოფლების რწმუნებულებმა უზრუნველყვეს, რომ საჭირო-

დახმარება მიეღო იმას, ვისაც ეს ყველაზე მეტად სჭირდებოდა. რაც შეეხება ჭორებსა და მითქმა-მოთქმას. ეს ახალი არაა- ჭორაობს ის, ვისაც ხელი არასოდეს გაუტოკებია და ცხოვრებაში ერთი კეთილი საქმეც კი არ გაუკეთებია. რას ვიზამთ, ადამიანი ზოგჯერ უმადურიცაა, მადლობის მაგიერ მუდამ ეძებს უკმაყოფილების არა მიზეზს, არამედ საბაბს! მე და ჩემს მეგობრებს არ დაგვზარებია და მთელი თვის განმავლობაში აქტიურად ვშრომობდით, უკრაინელებსაც დავეხმარეთ და ჩვენს მოსახლეობასაც. უკრაინაში გასაგზავნი ტვირთიდან დარჩა მალფუჭებადი პროდუქტები, ასევე მსხვრევედ ქილებში მოთავსებული არატრანსპორტირებადი საკვები. სწორედ ამ სახეობის პროდუქტის დახარისხება და განაწილება მოხდა დედოფლისწყაროს მონყვლად კატეგორიაზე. მერის წარმომადგენლებთან შეთანხმებით საკვები გადაუნაწილდათ მრავალშვილიან და უკიდურესად გაჭირვებულ მოსახლეობას, ასევე მე და ჩემმა მეგობრებმა ტანსაცმლის ნაწილი გავუგზავნეთ სოფლებში მცხოვრებ მრავალშვილიან ოჯახებს, რომელთაც ვერ შეძლეს მუნიციპალიტეტის ცენტრში ამოსვლა. ჩვენ ყველაფერი გავაკეთეთ, რომ ტვირთის ის ნაწილი, რომლის გაგზავნაც ობიექტური მიზეზების გამო ვერ მოხერხდა უკრაინაში, ჩვენს მოსახლეობას მოხმარებოდა. და რატომ უნდა გახდეს ეს ფაქტი განხილვის საგანი, თანაც ამ ფორმით? - რიტორიკულ კითხვას სვამს ანა კიკილაშვილი.




სიკეთის კეთილშინაობა ხაზს უსვამს, ნათქვამია, მაგრამ როდესაც კეთილი საქმის ჩაწინააღმდეგებას ცრუ და უსაფუძვლო ბრალდებებით ცდილობენ, სიმაართლე უნდა ითქვას. საქმეში კარგად ჩახედული ადამიანები კი ამ ფაქტის შუახსენისას აბოჯან, რომ ამ აპოკალიფსის ატმოსფეროში და ჭორებით კეთილი საქმის გადაფარვას ცდილობენ სწორედ ისინი, ვისაც საქმის კეთილშინაობა არ შეუძლია და სიკეთის მკეთილშინაობას თანამედროვე ფსიქოლოგიური იარაღით-დეზინფორმაციით ებრძვიან. ინგა შიოლაშვილი

31 წელი საყოველთაო რეფერენდუმიდან! ერთი თარიღის ორი უკიდურესობა!

სამხრეთ ოსეთის დე ფაქტო რესპუბლიკის პრეზიდენტმა ანატოლი ბიბილოვმა განაცხადა, რომ უახლოეს მომავალში გაიმართება სამხრეთ-აღმოსავლეთი ოსეთის რეფერენდუმი, რომელიც დასაბუთებული იქნება 1991 წლის 31 მარტის რეფერენდუმის შედეგზე. მისი თქმით, რუსეთთან გაერთიანება რესპუბლიკის სტრატეგიული მიზანია. ამ ინფორმაციას რუსული გამოცემა „კომერსანტი“ ავრცელებს. ბარდა ამისა, ოსური მედიით ვრცელდება ანატოლი ბიბილოვის მიმართვა, რომელშიც დე ფაქტო პრეზიდენტი ე.წ. ისტორიულ სამხრეთ ოსეთს დასაბუთებულ საფუძვლებზე დასაბუთებულად ლაპარაკობს.

„მიმართა, რომ რუსეთთან გაერთიანება ჩვენი სტრატეგიული მიზანია. ჩვენი გზაა“, - განაცხადა ბიბილოვმა (ციტატა „ერთიანი რუსეთის“ ვებგვერდიდან), რომლის თანახმად, სამხრეთ ოსეთი ამ გზაზე იმობრავებს. „უახლოეს მომავალში ჩვენ გადავდგამთ შესაბამის იურიდიულ ნაბიჯებს. სამხრეთ ოსეთის რესპუბლიკა იქნება მისი ისტორიული

ოსეთის ერთ რესპუბლიკად გაერთიანება იყო, თუმცა, მისი ეს დანაპირები 5 წლის განმავლობაში ვერ შესრულდა და ახლაც იმავე მესიზღებით გამოდის. ოკუპირებული აფხაზეთისგან განსხვავებით, ოკუპირებულ ცხინვალის რეგიონში მცირეა იმ სამოქალაქო აქტივისტების რაოდენობა, რომლებიც რუსეთთან გაერთიანებას მხარს არ უჭერენ. მათი იდეა ყველასგან დამოუკიდებელი ოსეთის რესპუბლიკის შექმნა. 2008 წლის აგვისტოში, რუსეთის არმიის საქართველოში შემოჭრის და რეგიონის ოკუპაციის შემდეგ, კრემლმა 26 აგვისტოს დე ფაქტო სამხრეთ ოსეთის ე.წ. სახელმწიფოებრივი დამოუკიდებლობა აღიარა. აღიარების შემდეგ ოკუპირებულ რეგიონში განათავსა მე-4 საოკუპაციო სამხედრო ბაზა, სადაც რუსეთიდან ჩაყვანილი ჯარისკაცების გარდა, ადგილობრივი ჯარის პირადი შემადგენლობაც შეიყვანეს. ახლა ამ ბაზის შემადგენლობის ნაწილი, მათ შორის ცხინვალელი ახალგაზრდები, რუსეთის მხარეს, უკრაინის წინააღმდეგ იბრძვიან.



სამშობლოს - რუსეთის ნაწილი“, - აღნიშნა მან. ბიბილოვმა გაიხსენა, რომ 2014 წელს, როცა ყირიმი „რუსეთის ნაწილი“ გახდა, „სამხრეთ ოსეთს“ რუსეთთან გაერთიანების შესაძლებლობა ჰქონდა. „მაშინ ჩვენ ხელიდან გავუშვიტ შესაძლებლობა, მაგრამ ამის გამოვინებებს ვერ დავუშვებთ“, - აღნიშნა ანატოლი ბიბილოვმა.

ამჟამად ოკუპირებული ცხინვალის რეგიონის ე.წ. პრეზიდენტი წინასაარჩევნო კამპანიას ატარებს. მას სურვილი აქვს, რომ მეორე ვადით დაიკავოს ეს თანამდებობა. ამჟამინდელი კამპანია 5 წლის წინანდელი კამპანიისგან არაფრით განსხვავდება. მაშინაც ბიბილოვის მთავარი მესიჯი რუსეთის ფედერაციის ფარგლებში სამხრეთ და ჩრდილოეთ

2008 წლის აგვისტოში რუსეთის და დე ფაქტო რესპუბლიკის შეიარაღებულმა ძალებმა გადაწვეს და გაანადგურეს ლიხავის ხეობის ქართული სოფლები, საქართველოს 30 ათასამდე მოქალაქე დევნილად იქცა. მას შემდეგ დე ფაქტო ხელისუფლებამ კრემლს მიერთების თხოვნით არაერთხელ მიმართა, თუმცა ოკუპირებული ტერიტორიის ანექსიისგან რუსეთი ჯერჯერობით თავს იკავებს.

ეს ყველაფერი კი ე.წ. სამხრეთ ოსეთის დე ფაქტო პრეზიდენტმა 31 მარტს, საქართველოში რეფერენდუმის ჩატარების დღეს გამოაცხადა. 31 მარტს, საქართველოს დამოუკიდებლობის აღდგენაზე ჩატარებული რეფერენდუმიდან 31 წელი გავიდა. შედეგების საფუძველზე უზენაესმა საბჭომ მიიღო დამოუკიდებლო-

ბის აქტი და გაათავისუფლა საქართველო 70-წლიანი საბჭოთა ოკუპაციისგან. „საქართველო არის დამოუკიდებელი, ერთიანი და განუყოფელი სახელმწიფო, რაც დადასტურებულია 1991 წლის 31 მარტს ქვეყნის მთელ ტერიტორიაზე, მათ შორის აფხაზეთის ასსრ-ში და ყოფილ სამხრეთ ოსეთის ავტონომიურ ოლქში ჩატარებული რეფერენდუმით და 1991 წლის 9 აპრილის საქართველოს სახელმწიფოებრივი დამოუკიდებლობის აღდგენის აქტით“, - წერია საქართველოს კონსტიტუციაში. საქართველოს რესპუბლიკის ცენტრალურმა სარეფერენდუმო კომისიამ 31 მარტის რეფერენდუმის შედეგები 4 აპრილს შეაჯამა, შედეგები კი 5 აპრილს გამოქვეყნდა პრესაში. ცენტრალურმა სარეფერენდუმო კომისიამ დაადგინა:

- *საქართველოს რესპუბლიკაში ამომრჩეველთა საერთო რიცხვი იყო 3 672 403;
 - *რეფერენდუმის მონაწილეთა რიცხვი იყო 3 334 286, რაც შეადგენს ამომრჩეველთა საერთო რიცხვის 90,7 %-ს;
 - *კენჭისყრის მონაწილეთა რიცხვი იყო 3 326 100, რაც შეადგენს ამომრჩეველთა საერთო რიცხვის 90,5%-ს;
 - *სარეფერენდუმოდ გამოტანილი საკითხის დადებითად გადაწყვეტის „დიახ“ მომხრეთა რიცხვი იყო 3 295 493, რაც შეადგენს კენჭისყრის მონაწილეთა რიცხვის 99,08%-ს;
 - *სარეფერენდუმოდ გამოტანილი საკითხის უარყოფითად გადაწყვეტის „არა“ მომხრეთა რიცხვი იყო 16 917, რაც შეადგენს კენჭისყრის მონაწილეთა რიცხვის 0,51%-ს.
- აფხაზეთის ავტონომიურ რესპუბლიკაში ამომრჩეველთა საერთო რიცხვი იყო 347.175. რეფერენდუმში მონაწილეთა მიიღო 61,27%-მა, კენჭისყრაში — 61,23%-მა. სარეფერენდუმოდ გამოტანილი საკითხის დადებითად გადაწყვეტას

მხარი დაუჭირა კენჭისყრის მონაწილეთა 97,73%-მა, რაც შეადგენს ამომრჩეველთა საერთო რიცხვის 59,84%-ს. უარყოფითად გადაწყვეტას — 1,42%-მა, რაც შეადგენს ამომრჩეველთა საერთო რიცხვის 0, 87%-ს.

ცხინვალში, ყორნისისა და ჯავის რაიონებში რეფერენდუმი არ ჩატარებულა, მაგრამ საქართველოს ამომრჩეველთა საერთო რიცხვში გათვალისწინებულ იქნა ამ რეგიონის ამომრჩეველთა რაოდენობა. ცხინვალის რაიონში რეფერენდუმი ჩატარდა შეიდ სასოფლო საკრებულოს ტერიტორიაზე, სადაც ამომრჩეველთა საერთო რაოდენობა 11376 იყო. გაიცა 10182 ბიულეტენი, რომელთაგან ორი ბათილად იქნა ცნობილი. სარეფერენდუმო კითხვას დადებითი პასუხი გასცა 10180-მა ამომრჩეველმა.

ეს იყო უკანასკნელი რეფერენდუმი, რომელიც ჩატარდა საქართველოს მთელ ტერიტორიაზე - აფხაზეთისა და სამხრეთ ოსეთის ყოფილი ავტონომიური ოლქის ჩათვლით. საქართველოს სახელმწიფოებრივი დამოუკიდებლობის აღდგენას სულ, ჯამში, 3 მლნ 295,5 ათასმა ადამიანმა მისცა ხმა, უფრო უზუსტად, ამდენად ამომრჩეველთა უკანასკნელ რეფერენდუმზე გამოტანილ შეკითხვას: „თანახმა ხართ თუ არა, ალდგეს საქართველოს სახელმწიფოებრივი დამოუკიდებლობა 1918 წლის 26 მაისის დამოუკიდებლობის აქტის საფუძველზე? აქედან გამომდინარე, სწორედ ამ ისტორიული ნარსულის ფონზე ე.წ. სამხრეთ ოსეთის დე ფაქტო პრეზიდენტის განცხადება კი, ნამდვილად ყველაზე ლოგიკურ განსჯას და საღ აზრს მოკლებულია. აფხაზეთი და სამხრეთ ოსეთის იყო, არის და იქნება საქართველოს ისტორიულად განუყოფელი ნაწილი.

რუსმა ოკუპანტებმა საქართველოს კიდეც ერთი მოქალაქე გაიტაცეს

რუსეთის საოკუპაციო ძალების წარმომადგენლებმა ოკუპირებულ სოფელ ზემო არცევის მიმდებარედ საქართველოს მოქალაქე უკანონოდ დააკავეს. ამის შესახებ ინფორმაციას სახელმწიფო უსაფრთხოების სამსახური ავრცელებს.

გატაცებული პირი საქართველოს შეიარაღებული ძალების წარმომადგენელი ლევან მაჩაბელია.

„აქვე გვინდა აღვნიშნოთ, რომ გავრცელებული ინფორმაცია, თითქოს უკანონოდ დაკავებული პირი მოქმედი სამხედროა, სიმართლეს არ შეესაბამება. საქართველოს ცენტრალური ხელისუფლების მიერ ამოქმედებულია მის ხელთ არსებული ყველა მექანიზმი უკანონოდ

დაკავებული პირების უმოკლეს ვადებში გასათავისუფლებლად.

უკანონო დაკავებების მავნე პრაქტიკა ზღუდავს თავისუფალი გადაადგილების ფუნდამენტურ უფლებას, მნიშვნელოვნად აუარესებს ადგილზე არსებულ უსაფრთხოების გარემოს და საფრთხეს უქმნის რეგიონში არსებულ მდგომარეობას“, - აღნიშნავს სუს-ი განცხადებაში.

საკითხთან დაკავშირებით უკვე გაავრცელა განცხადება ე.წ. უშიშროების კომიტეტმა ცხინვალში, სადაც წერია, რომ სამხედრო პირი ოკუპირებულ ტერიტორიაზე პროვოკაციის მოწყობას გეგმავდა და არარსებული საზღვარი სწორედ ამ მიზნით გადაკვეთა.



„მეც ვიცი ვარ!“ ანუ მემკვიდრეობა განდერეული ნიშნით


რა პრინციპით ნაწილდება მშობლის ქონება შვილებზე, რა შემთხვევაში არ აქვთ წილი მშობლის უფლებები და რა დროს იცნობა პირი უფლებას მემკვიდრედ? ამ საკითხს განვიხილავს სასამართლოს ახალგაზრდა იურისტთა ასოციაციის იურისტი, ნიკა გაღვიანი.

მშობლის სიცოცხლეში ქონების განაწილება მის ნებაზე დამოკიდებული და არანაირი ვალდებულება არ აქვს, წილი შვილებს გადასცეს. ადამიანს სიცოცხლეში ქონებაზე საკუთრების უფლება აქვს და თავისი სურვილის შესაბამისად განკარგავს. რაც შეეხება გარდაცვალებას, თუ გარდაცვლ პირს საკუთრებაში აქვს ქონება, ის მემკვიდრეობით ნაწილდება. მემკვიდრეობის განაწილება შეიძლება მოხდეს ორი საფუძვლით - ანდერძით და კანონით. თუ ანდერძი არ არსებობს, ასეთ შემთხვევაში, ყურადღება კანონით მემკვიდრეობის რიგითობას ექცევა. კანონით, პირველი რიგის მემკვიდრეები არიან გარდაცვლილი პირის მშობლები, მეუღლე და შვილები. აქიდან გამომდინარე, ქონება ყველა მათგანზე თანაბრად ნაწილდება.

- თუ მშობელი მხოლოდ ერთ შვილს უტოვებს საკუთარ ქონებას, სამართლებრივად არსებობს ბერკეტი, რომ სხვა შვილებმაც მოითხოვონ წილი?

როდესაც პირი ანდერძით მხოლოდ ერთ შვილს უტოვებს ქონებას, ასეთ შემთხვევაში დანარჩენ შვილებს შეუძლიათ გამოიყენონ საქართველოს სამოქალაქო კოდექსით გათვალისწინებული სავალდებულო წილის მოთხოვნის უფლება. პირველი რიგის მემკვიდრეებს, რომლებიც, როგორც ვთქვი, არიან მეუღლე, მშობლები და შვილები, უფლება აქვთ მოითხოვონ მემკვიდრეობიდან სავალდებულო წილი. სავალდებულო წილი კი არის იმ წილის ნახევარი, რომელიც მათ კანონით მემკვიდრეობის შემთხვევაში ეკუთვნოდათ. პირობითად, თუ გარდაცვლილს ორი შვილი ჰყავს და ანდერძით მხოლოდ ერთს უტოვებს ქონებას, მეორე შვილს უფლება აქვს, მისთვის კანონით მემკვიდრეობით გათვალისწინებული წილის ნახევარი მოითხოვოს.

- საქართველოში ხშირად მშობლების სახლი და სხვა ქონება ბიჭ შვილებს რჩებათ, სამართლებრივად ეს სწორია? ქონების განაწილებისას აქვს მნიშვნელობა, შვილი ბიჭი იქნება თუ



გოგო?

- თუ პირი სიცოცხლის პერიოდში ანაწილებს საკუთარ ქონებას ჩუქებით, ასეთ შემთხვევაში, უფლება აქვს, ვისაც უნდა, იმას აჩუქოს თავისი წილი. გარდაცვალების შემდეგ, როდესაც შვილებს შორის მემკვიდრეობის განაწილება ხდება, არანაირი მნიშვნელობა არ აქვს სქესს.

- უძრავი ქონების, მაგალითად, სახლის შემთხვევაში როგორ ხდება განაწილება?

შვილები თანამესაკუთრებად დარეგისტრირებიან. კანონით მემკვიდრეობის დროს ყველა შვილს სახლზე თანაბარი უფლება ექნება და მათი ნებაა, როგორ განკარგავენ ამ ქონებას. უნდათ, დაიტოვებენ საერთო საკუთრებაში, გაააჩუქებენ ერთმანეთში ან თანხის სანაცვლოდ დათმობენ, ეს შეთანხმების საგანია. თუ ვერ თანხმდებიან, ასეთ შემთხვევაში შესაძლოა თანასაკუთრების სასამართლოს გზით გამიჯვნას მიმართონ. ორი ტიპის გამიჯვნა არსებობს. ერთია ნატურით გამიჯვნა. თუ შესაძლებელია, სახლი ისე დაიყოს, რომ რამდენიმე თანაბარი ზომის იზოლირებული საცხოვრებელი შეიქმმას, რომლებსაც ერთმანეთთან კავშირი არ ექნებათ, შეუძლიათ, ასე გამიჯვნონ და ცალ-ცალკე საკუთრე-

ბად დაარეგისტრირონ. ხოლო, თუ ესეც ვერ ხერხდება, ასეთ შემთხვევაში თანამესაკუთრეთა ინიციატივით უნდა მომზადდეს ექსპერტიზის დასკვნა, რომელიც ადასტურებს, რომ ნატურით ქონების გაყოფა შეუძლებელია, სახლი იყიდება და თანხა თანამესაკუთრეებს შორის თანაბრად იყოფა.

- თუ მშობლები განქორწინებულები არიან, შვილს ორივე მხარეს შეუძლია მოსთხოვოს ქონების წილი?

განქორწინება მემკვიდრეობას ხელს არ უშლის. პირი ერთი მშობლის მემკვიდრეცაა და მეორისაც. შესაბამისად, ორივეს ქონებაზე ექნება მემკვიდრეობის მიღების უფლება. თუ სიცოცხლეში მშობელი ერთ შვილს ჩუქნის საკუთარ ქონებას, სხვებს წილის მოთხოვნის უფლება აღარ ექნებათ.

- მამის ან დედის ქონების წილი თანაბრად ნაწილდება სხვადასხვა ქორწინებიდან შვილებზე?

სხვადასხვა ქორწინებიდან შვილები ერთი ტიპის მემკვიდრეები არიან. არა მარტო სხვადასხვა ქორწინებიდან, არამედ ნაშვილები პირიც გათანაბრებულია ბიოლოგიურ შვილთან, მემკვიდრეობის თვალსაზრისით.

- ზოგადად, რისი მოთხოვნის

უფლება აქვთ ან არ აქვთ შვილებს მშობლების ქონებიდან?

გარდაცვალების მომენტში პირის სრულ ქონებაზე შვილებს აქვთ მემკვიდრეობის მიღების უფლება, თავიანთი წილის ფარგლებში. თუმცა, უნდა გავითვალისწინოთ, რომ პირველი რიგის მემკვიდრეები არიან ასევე პირის მეუღლე და მშობლები. შესაბამისად, ქონება მათზეც თანაბრად ნაწილდება.

- როდესაც ნათესავი ქონებას უტოვებს სხვა ადამიანს და არა პირდაპირ ნათესავს ან შვილს, რა უფლებები აქვს ამ დროს უშუალო ნათესავს, შვილს?

ამ შემთხვევაშიც იგივე პრინციპი ვრცელდება. როგორც აღვნიშნე, სავალდებულო წილი მხოლოდ გარდაცვლილის შვილებზე, მეუღლეზე და მშობლებზე ვრცელდება და მხოლოდ მათ აქვთ მოთხოვნის უფლება. ხოლო, თუ პირი სიცოცხლეში გააჩუქებს თავის ქონებას სხვაზე, წილს ვეღარ მოითხოვენ.

გარდა ამისა, არსებობს უფლები მემკვიდრის ცნება. ამის დადგენა სასამართლოს კომპეტენციაა და ყოველი შემთხვევა ინდივიდუალურად განიხილება. არც კანონით და არც ანდერძით მემკვიდრე არ შეიძლება იყოს პირი, რომელიც განზახ ხელს უშლიდა მემკვიდრეობის მისი უკანასკნელი ნების განხორციელებაში და ამით ხელს უწყობდა ახლობელი პირების მოწვევას მემკვიდრეებად ან სამკვიდროში მათი წილის გაზრდას. ან კიდევ ჩაიდინა განზრახი დანაშაული და სხვა ამორალური დანაშაული მოანდერძის მიერ ანდერძში გამოთქმული უკანასკნელი ნებასურვილის საწინააღმდეგოდ. თუ ეს გარემოებები სასამართლოზე დადასტურდება, პირი შეიძლება მიჩნეული იყოს უფლები მემკვიდრედ, რაც მას მემკვიდრეობის უფლებას საერთოდ ართმევს.

გარდა ამისა, შესაძლოა ადამიანმა თავის სიცოცხლეში მიმართოს სასამართლოს და მოითხოვოს შვილზე, მეუღლეზე ან მშობლებზე სავალდებულო წილის მოთხოვნის უფლების ჩამორთმევა, თუმცა ესეც სასამართლომ, შესაბამისი არგუმენტების გათვალისწინებით, უნდა დაადგინოს.

მომზადდა
ხათუნა პენაშვილმა



მედიკინაში ჩაპარდნები და ტვინის მუშაობის გაუმჯობესება

თუკი პანდემიის დანებების შემდეგ შეამჩნიეთ, რომ უფრო ხშირად გავიწყდებათ, გიძნელდებათ საჭირო სიტყვების გახსენება ან ზოგჯერ საჭირო ნივთების ყიდვა გივარდებათ თავიდან – თქვენ მარტო არ ხართ. ჩვენ გარშემო უკვე ბევრი წუნუნებს მესხიერების გაუარესებაზე ამგვარი ყურმოკრული ინფორმაცია, რა თქმა უნდა, მტკიცებულებად ვერ გამოდგება, თანაც ჯერ ადრეა ისეთი კვლევებისთვის, რომელიც ჩვენი მესხიერების ახლანდელ მდგომარეობას COVID-19-ის პანდემიამდე არსებულ მდგომარეობასთან შეადარებდა. თუმცა, ბრიტანეთში ალცჰაიმერის საზოგადოების მიერ ორგანიზებულ გამოკითხვაში ოჯახის წევრების ნახევარმა აღნიშნა, რომ ამ დაავადების მქონე მათი ახლობლების მესხიერება გაუარესდა მას შემდეგ, რაც იზოლირებული ცხოვრება დაიწყო. სპეციალისტები იწყებენ კვლევას იმაზე, თუ როგორ იმოქმედებდა თვითიზოლაციამ ადამიანთა მესხიერებაზე. უკვე აღირიცხა შემთხვევები, როცა ისეთი ძლიერი ავტობიოგრაფიული მესხიერების მქონე ადამიანებმა, ვისაც ახსოვთ, როგორ იყიდეს კინოთეატრის ბილეთი 20 წლის წინ, შეამჩნიეს, რომ რაღაცები ავიწყდებოდათ.

იზოლაცია და მესხიერება

არსებობს რამდენიმე განსხვავებული ტიპის მესხიერება. იმის დაიწყება, თუ რისი ყიდვა გასურდათ, განსხვავდება ვიციის სახეობის ან იმის დაიწყებისაგან, თუ რა გააკეთეთ გასულ ოთხშაბათს. დაგროვილი ცოდნა იმაზე, თუ როგორ მუშაობს მესხიერება, გვეხმარება ავსინათ, რა გავლენას შეიძლება ახდენდეს ჩვენი ახალი, იძულებით შექმნილი გარემო ჩვენს მესხიერებაზე. ყველაზე ცხადი ფაქტორი იზოლაციაა. კვლევებით გამოყარებულია მოსაზრება, რომ სოციალური კონტაქტის ნაკლებობა შეუძლია, ტვინზე ნეგატიური გავლენა იქონიოს, განსაკუთრებით კი იმ ადამიანების შემთხვევაში, ვინც უკვე განიცდიდა მესხიერების გარკვეული სახის პრობლემებს. მაგალითად, ალცჰაიმერის მქონე ადამიანებში მარტობის დონემ, შესაძლოა, დაავადების მომავალი განვითარებაც კი განსაზღვროს. რა თქმა უნდა, პანდემიის განმავლობაში ყველას არ უგრძობია თავი მარტოსულად და ზოგიერთი კვლევის შედეგებმა ისიც აჩვენა, რომ მარტობის განცდის დონემ დროთა განმავლობაში მატება შეწყვიტა.

მიუხედავად იმისა, რომ, შესაძლოა, დიდად არ განვიცდიდეთ ადამიანური ურთიერთობების შემცირებას, მრავალი ჩვენგანი მაინც ჩვეულებრივზე ცოტა ადამიანს ვხვდებით. ჩვენ აღარ გვაქვს განსაზღვრული საუბრები ოფისში ან წვეულებებზე, სადაც ერთ საღამოს უამრავ ადამიანთან ვიკავებოდით და ერთმანეთში ვცვლიდით სხვადასხვა ამბავს. მოვლენების განმეორება ისეთი მოგონებების გამყარებაში გვეხმარება, რომელთაც ეპიზოდური მესხიერება ეწოდება. რად-

გან დღეს ძველებურად ვეღარ ვახდენთ სოციალიზაციას, გასაკვირი არ უნდა იყოს, რომ ეს მოგონებები ჩვეულებრივზე ნაკლებად ცხადი გახდა. და მაშინაც კი, როდესაც საუბრის შანსი გვეძლევა, ნაკლები რამ გვაქვს მოსაყოლი. დღესასწაულები უქმდება, ქორწილები განუსაზღვრელი დროით ინევს, კონცერტები და სპორტული ღონისძიებები დამსწრე აუდიტორიის გარეშე ტარდება – ამიტომაც გვაქვს უფრო ნაკლები სასაუბრო. ხოლო სამსახურში ძირითადად იმაზე ვლაპარაკობთ, თუ როგორ გვიშლის ნერვებს ტექნიკის გაუმართაობა.

მართალია, ამის ანაზღაურება ონლაინ სოციალიზაციით შეგვიძლია, თუმცა ეს საუბრები მაინც განსხვავებულია – ნაკლები შანსია, რომ ისეთ ექსტრემულ პერიოდში, როგორიც პანდემიაა, ბოლო დროს თავს გადახდენილ უმნიშვნელო მოვლენებზე ვილაპარაკოთ.

შოთხვა და მესხიერება

თუმცა, პრობლემა მხოლოდ სოციალიზაციის ნაკლებობაში არაა. მრავალი ადამიანი აღნიშნავს, რომ ცხოვრებასთან დაკავშირებულ ზოგად შფოთვის განიცდის. მაშინაც კი, როცა აფასებთ თქვენს ილბალს და ხედვით, რომ ბევრს თქვენზე მეტად უჭირს, გრძობა, თითქოს სამყარო მეტად საშიში გახდა, მაინც რთული მოსაპოვებელია. ფსიქობიოლოგი, დეივი ფანკორტი და მისი გუნდი დიდი ბრიტანეთის მასშტაბით ატარებენ კვლევას იმაზე, თუ როგორ გრძობენ თავს ადამიანები პანდემიის დროს. მათი დაკვირვებით, მართალია, შფოთვის დონემ პიკს კარანტინის პირველი გამოცხადებისას მიაღწია და ამის მერე ნელ-ნელა კლება დაიწყო, თუმცა საშუალო დონე ჩვეულებრივზე მაინც მაღალია – განსაკუთრებით კი ახალგაზრდა ადამიანებსა და მათში, ვინც მარტო, ან ბავშვებთან, ან გარეუბანში ცხოვრობს და მცირე შემოსავალი აქვთ.

დადგინდა, რომ დეპრესიის მაჩვენებელი გაორმაგდა. დეპრესია და შფოთვაც დიდ გავლენას ახდენს მესხიერებაზე. დარდი ტვირთავს ჩვენს აქტიურ მესხიერებას, რაც გვიქვეითებს უნარს, გავიხსენოთ საყიდლების სია ან ის, თუ რა გვაქვს სამსახურისთვის გასაკეთებელი.

შირობოლოვება და მესხიერება

ვითარება უფრო გაართულა მესხიერების დამხმარე მინიშნებების ნაკლებობაში. თუკი სამსახურში ნასასვლელად გარეთ გადიხართ, თქვენი გზა, ხედვის ცვლილება და შუადღის შესვენებები ნაწილობრივად ყოფს თქვენს დღეს და გეხმარებათ, დროის მონაკვეთებთან დააკავშიროთ მოგონებები. მაგრამ როდესაც სახლიდან მუშაობთ, ყველა ონლაინ შეხვედრა, შესაძლოა, ერთი და იმავედ მოგეჩვენოს, რადგან, ძირითადად, ერთსა და იმავე პოზაში სხედხართ ერთი და იმავე ეკრანის წინ. ჩვენი მოგონებები ერთმანეთისგან ნაკლებად განსხვავდება, ამიტომაცაა რთული მათი გამიჯვნა. კოგნიტური ნეირომეცნიერების პროფესორი ქეთრინ ლავდეი ამბობს, “იმის



მცდელობა, გავიხსენოთ, თუ რა მოხდა მაშინ, როდესაც თითქმის არ არსებობს სხვაობა დღეებს შორის, იგივეა, ვცადოთ, დავუკრათ ფორტეპიანოზე, რომელსაც შავი კლავიშები არ აქვს”.

ოფისში შეხვედრები სხვადასხვა ოთახში შეიძლება ტარდებოდეს, რის გამოც ისინი ჩვენს მესხიერებაში განსხვავებულ გამცდილებებზე იბეჭდებიან. დღეების ერთმანეთთან შერწყმის გარდა, იგივე მოსდით იმ საქმეებსაც, რომლებსაც ამ დროის განმავლობაში აკეთებდით. შეიძლება, ოფისში იმ ოთახისთვის ჩაგველოთ, სადაც საქმიანი შეხვედრა გქონდათ, ეს კი გაგახსენებდათ, რომ იმავე საქმეზე მეილი უნდა გაგეზავნათ. სახლში არ გვაქვს მინიშნებები, რომლებიც დაგვეხმარება ჩვენი სამუშაოს სხვადასხვა ასპექტის გახსენებაში. ყველა მოგონება დაკავშირებულია კომპიუტერთან ჯდომასთან. სამსახურში, შესაძლოა, გაგხსენებოდეთ, ზუსტად სად მიმდინარებდა საუბარი – ლიფტთან თუ ოფისის სამზარეულოში – და ეს ამ დიალოგის გამომხმობაში დაგხმარებოდათ. ამასთან, შესაძლოა, არსებობდეს დამატებითი ფაქტორიც, რომელიც, ალბათ, არც კი შეგვიმჩნევია. საქმე ისაა, რომ სხვადასხვა გეოგრაფიულ ლოკაციაზე გარკვეული დროის გატარება გავლენას ახდენს ჩვენს ტვინსა და მესხიერებაზე.

სახლისკენ დასაბრუნებელი გზის პოვნა ყოველთვის ძალიან მნიშვნელოვანი იყო ჩვენი გადარჩენისთვის. როგორც კი სახლს ვტოვებთ, ჩვენ ყურადღების მოკრებას ვინწყებთ. მნიშვნელობა არ აქვს, გზის დაკვლევას ტყეში ვცდილობთ თუ ქალაქში, ამ დროს აქტიურად მუშაობს ჩვენს ტვინში არსებული ზღვის ცხენის ფორმის უბანი, რომელსაც ჰიპოკამპუსი ეწოდება. ტაქსის მძღოლებზე ჩატარებული კვლევით დადგინდა, რომ მათ, ვინც ქალაქის ყველა ქუჩა ზედმინუნით იცოდნენ, უფრო დიდი ჰიპოკამპუსით გამოირჩეოდნენ. ჰიპოკამპუსი აქტიურობა ახალი ინფორმაციის დამახსოვრებასთანაა კავშირში. ნეირომეცნიერებმა აღმოაჩინეს, რომ თუკი ადამიანთა ცხოვრება, ასაკის მატებასთან ერთად, უფრო ჩაკეტილი და ერთფეროვანი ხდება, მათი ჰიპოკამპუსი გამოყენების მაჩვენებელიც იკლებს. ამასთან, დადგინდა, რომ მძღოლებს, რომლებიც გზის დამოუკიდებლად გაკვლევის ნაცვლად სატელიტურ ნავიგაციას იყენებენ, ნაკლები სივრცული მოგონებები აქვთ, რომელთა წარმოქმნაც სწორედ ჰიპოკამპუსზე დამოკიდებულია.

გადაღწევა და მესხიერება

არ უნდა დაგვავიწყდეს ზოგადი გადაღწევა, რომელიც ასევე არ ეხმარება ჩვენს მესხიერებას. ზუმის შეხვედრები დამლელაია, ზოგიერთი საქმე სახლიდან უფრო რთული გასაკეთებელია, ხოლო სადღესასწაულო შევებულებებმა აზრი დაკარგეს. რუტინის ნაკლებობაა და პანდემიასთან დაკავშირებულ შფოთვას ძილის დარღვევა შეუძლია. ეს ყველაფერი რომ გავაერთიანოთ, გასაკვირი აღარაა, რატომ ვართ მუდმივად დაღლი-

ლები. გადაღლა, შფოთვა, მინიშნებების ნაკლებობა და სოციალური ინტერაქციების შემცირება – ეს ის ფაქტორებია, რომელთა გამოც ზოგიერთი ჩვენგანი გრძობს, რომ მესხიერება დაზარალებულია.

რჩევანი მესხიერების გასაუმჯობესებლად:

თუკი პანდემიის გამო თვეების განმავლობაში დროის უმეტესი ნაწილი სახლში გაატარებთ, თქვენ დაკარგეთ ის დამატებითი სტიმულაცია, რომელიც სამყაროსთან უფრო აქტიურად ინტერაქციის დროს წარმოიქმნება.

*სასეირნოდ გასვლა, განსაკუთრებით კი ისეთ ქუჩებში, რომლებიც ჩვენთვის ნაცნობი არაა, დაეხმარება ჩვენს ტვინს ყურადღების მოკრებაში. თუმცა, უბრალოდ, გადაადგილებაც კი სასარგებლო შეიძლება იყოს. დაფიქრდით, რამდენად აუცილებელია, რომ ყოველი შეხვედრის განმავლობაში მაგიდასთან იყოთ მიჯაჭვული. თუ ეს მხოლოდ სატელეფონო ზარია, სცადეთ, ქუჩაში იაროთ და თან ილაპარაკოთ. მაშინაც კი, როცა სახლს უბრალოდ სასეირნოდ ვტოვებთ, ჩვენი ტვინი ყურადღების გამახვილებას იწყებს.

*ასევე, დარწმუნდით, რომ სამუშაო და დასვენების დღეები ერთმანეთში არ ირევა. ეს დაგეხმარებათ, დაძლიოთ დროის ის დამახინჯებული ალქმა, რაც ჩვენმა ახალმა ცხოვრებამ მოიტანა. დღეს განსაკუთრებით მნიშვნელოვანია, რომ ჩვენს დღეებს მრავალფეროვნება შევძინოთ, რაშიც შემოქმედებითი აზროვნება დაგვეხმარება.


*თუ გარეთ გასვლა არ შეგიძლიათ, უმჯობესია, სრულიად ახალი აქტივობით სახლში დაკავდეთ და შემდეგ უამბოთ ამის შესახებ სხვას, რათა მოგვიანებით უკეთესად გავიხსენოთ განხორციელებული აქტივობა.

*ყოველ საღამოს განვილი დღის შეგნებულად გახსენება მოგონებების გამყარებაში დაგვეხმარება. შეგიძლიათ, დღიურიც აწარმოოთ. ამ დღეების განმავლობაში ნაკლები რამ ხდება, რაც ჩანჩქლის ღონისძიებაა, თუმცა არაა გამორიცხული, რომ ერთ დღეს საინტერესო აღმოჩნდეს ამ მოგონებებისთვის თვალის გადავლება.

*თუკი გავიწყდებათ რაღაცების გაკეთება, მაშინ სიის შედგენამ და თქვენს ტელეფონზე შემახსენებლის დაყენებამ შეიძლება, იმაზე უკეთესად იმოქმედოს, ვიდრე წარმოგიდგენიათ.

*ასევე გამოიყენეთ წარმოსახვის უნარი – თუ გასურთ, გაიხსენოთ, რომ რძე, პური და კვერცხი გაქვთ საყიდი, წარმოიდგინეთ, თუ როგორ სტუმრობთ საჭირო დახლებს ზუსტად იმ მაღაზიაში, რომელში ნასვლასაც გეგმავთ. როდესაც ამ მაღაზიას მიაკითხავთ, წარმოიდგინეთ, რომელიც მოგაგონდებათ და უფრო დიდი შანსია, რომ ყველაფერი გაიხსენოთ, რისი ყიდვაც გჭირდებათ.

მომზადდა
ნატუნა პინაპილიტა



კვლევაც საგანგაშო სტატისტიკა

რატომ ვერ კონტროლდება საგზაო უსაფრთხოება?

2021 წელს მომხდარი ავტოსაგზაო შემთხვევების რაოდენობა 2020 წლის მაჩვენებელს 17%-ით აღემატება

საგზაო უსაფრთხოება ქართული საზოგადოების ერთ-ერთი მთავარი გამოწვევაა, და ის, ჯანდაცვისა და სოციალურ პრობლემებთან ერთად, ეკონომიკის განვითარებასაც აფერხებს. ადამიანური ტრაგედიები, დაკარგული სამუშაო საათები, მატერიალური, ფინანსური ზარალი, გარდაცვლილი სამედიცინო ხარჯი — ეს არის პრობლემების მცირე ჩამონათვალი, რომელსაც საგზაო უსაფრთხოების დარღვევა იწვევს.

2021 წელს ავტოავარიის შედეგად საქართველოში სულ 449 ადამიანი დაიღუპა, მათ შორის, 85 ქვეითი იყო. ავტოავარიით 16 წლამდე ასაკის 9 პირი გარდაიცვალა — ესეც მხოლოდ ერთი წლის სტატისტიკაა. შინაგან საქმეთა სამინისტროს სტატისტიკური მონაცემების მიხედვით, 2021 წელს სულ 5863 ავტოსაგზაო შემთხვევა დაფიქსირდა, რა დროსაც ადამიანები დაშავდნენ ან დაიღუპნენ. ცალკეა იმ ავტოავარიების სტატისტიკა, რომელზეც გამოძიება არ დაწყებულა და ავტოსაგზაო შემთხვევა ადმინისტრაციულ სამართალდარღვევად შეფასდა. ერთი წლის განმავლობაში საქართველოში ავტოავარიის შედეგად სულ 7705 ადამიანი დაშავდა.

შსს-ს სტატისტიკის მიხედვით, ქვეყნის მასშტაბით 2021 წელს 61 და მეტი წლის ასაკის 62 ადამიანი გარდაიცვალა ავტოავარიის შედეგად. მათივე ცნობით, 2021 წლის სამივე კვარტალში მომხდარი საგზაო შემთხვევების რაოდენობა 2020 წლის იმავე პერიოდის მაჩვენებელს 17%-ით აღემატება, ამასთანავე, ლეტალობა 9,4%-ით შემცირდა, ხოლო სხეულის დაზიანება 15%-ით გაიზარდა.

„2021 წლის მესამე კვარტალში (ივლისი-აგვისტო-სექტემბერი) მოხდა 1573 საგზაო შემთხვევა, დაიღუპა - 116 და დაზიანდა 2151 ადამიანი. 2020 წლის მესამე კვარტალთან შედარებით (ივლისი-აგვისტო-სექტემბერი) მიმდინარე წლის იგივე პერიოდში საგზაო შემთხვევები გაიზარდა 9,5%-ით, ლეტალობა შემცირდა 13,4%-ით, ხოლო სხეულის დაზიანება გაიზარდა 6,4%-ით. სტატისტიკის მიხედვით, საგზაო დარღვევების რიცხვი მზარდია, განსაკუთრებით კი იზრდება ისეთი უბნები დარღვევები როგორცაა - საპირისპირო ზოლში მოძრაობა, გასწრების წესების დარღვევა,



სიჩქარის გადაჭარბება და სხვა. ქულათა სისტემის რამდენიმეწლიანმა გამოცდილებამ დაგვანახა, რომ მისი ადმინისტრირების სირთულიდან გამომდინარე (საპატრულო პოლიციის მიერ ხდება ქულათა ჩამოკლება) უხეში დარღვევების აღკვეთა ვერ ხერხდება, შესაბამისად, მოქმედების შემდეგ ეტაპზე გადასვლაა საჭირო და ქულების ჩამოკლება უხეში დარღვევებისთვის ქვიანმა კამერებმა უნდა გააკონტროლოს. აღსანიშნავია, რომ სიჩქარის გადაჭარბება საქართველოში საგზაო შემთხვევის გამომწვევი ერთ-ერთი წამყვანი მიზეზია, ქალაქის გზებზე დაწესებული სიჩქარის ლიმიტები გადასახედა და დასახლოვებული ევროპულ სტანდარტებთან“, - ნათქვამია ორგანიზაცია „საქართველოს ალიანსი უსაფრთხო გზებისთვის“ მიერ გავრცელებულ ინფორმაციაში.

საქართველოს შინაგან საქმეთა სამინისტროს სტატისტიკაში, რომელიც საგზაო-სატრანსპორტო შემთხვევების რაოდენობას ასახავს რეგიონული დანაყოფების მიხედვით, კახეთის რეგიონში 2021 წლის განმავლობაში სულ 493 შემთხვევა დაფიქსირდა, დაიღუპა 65, ხოლო დაშავდა 685 ადამიანი. ავტოსაგზაო შემთხვევების ძირითადი მიზეზი შემხვედრ მოძრაობის ზოლში

გადასვლა ან გასწრების წესების დარღვევაა. სატრანსპორტო საშუალებების ტიპი კი ძირითადად მსუბუქი ავტომანქანებია.

ავტომობილის მართვა საკმაოდ რისკის შემცველი საქმიანობაა, ავტოსაგზაო შემთხვევის დადგომის შემთხვევაში ზარალდება არამხოლოდ მძღოლი ან მგზავრი, არამედ რიგითი ფეხით მოსიარულეც. 31 მარტს, თბილისში, შარტავას ქუჩაზე, ავტომანქანა 8 წლის ბავშვს დაეჯახა. „ავტოსაგზაო შემთხვევის შედეგად დაშავებულ 8 წლის ბიჭს მარჯვენა ფეხის ამპუტაცია ჩაუტარდა, - ამის შესახებ „ინტერპრესნიუსს“ იაშვილის სახელობის ბავშვთა ცენტრალურ საავადმყოფოში აცხადებენ, ბავშვის ჯანმრთელობის მდგომარეობა უკიდურესად მძიმეა. „ამ ეტაპზე ოპერაციული ჩარევები დასრულებული არ არის. ისევ მიმდინარეობს. მენჯ-ბარძაყის ფიქსაცია ჩატარდა, მუცლის ღრუზე ჩატარდა ოპერაციული ჩარევა და ასევე, ახლა უროლოგიური ოპერაცია მიმდინარეობს. მისი ჯანმრთელობის მდგომარეობა ჯერჯერობით უკიდურესად მძიმეა“, - აცხადებენ კლინიკაში.

რა ინვეს ავტო-საგზაო შემთხ-

ვევებს? მიზეზი მრავალია, განსაკუთრებით ყურადსაღები კი შემდეგი ფაქტორებია: გადაჭარბებული სიჩქარე, ალკოჰოლის გავლენის ქვეშ ყოფნა, ცუდი ამინდი (თოვლი, წვიმა, ნისლი), საგზაო ნიშნების დაუმორჩილებლობა. ჩამოთვლილ ფაქტორებს არაერთი კამპანია თუ დამაჯარიმებელი ღონისძიება მიეძღვნა და არაერთი კვლევა ჩატარდა იმის გამოსავლენად თუ რამდენად დიდ გავლენას ახდენდა აღნიშნული ფაქტორები ავტო-საგზაო შემთხვევებზე. თუმცა, ნაკლები ყურადღება ექცევა კიდევ ერთ ფაქტორს, რომელიც არც თუ ისე უმნიშვნელოა. ეს არის მძღოლის ასაკი. ბოლო პერიოდში საკმაოდ გაიზარდა თინეიჯერ მძღოლთა რიცხოვნობა, ისევე როგორც ავტო-საგზაო შემთხვევების დროს გარდაცვლილ ახალგაზრდათა რაოდენობა. რატომ წარმოიქმნება ავტო-საგზაო შემთხვევის საფრთხე, როდესაც მძღოლი თინეიჯერია? გაკვლევაზე (ცხადყო, რომ თინეიჯერები მოზრდილი ასაკის მძღოლებთან შედარებით სათანადოდ ვერ აფასებენ ან არ ცნობენ სახიფათო სიტუაციებს, თინეიჯერები უფრო მიდრეკილნი არიან სიჩქარისკენ და სწრაფად ტარებისკენ, და უფრო იშვიათად ატარებენ უსაფრთხოების ღვედებს. მათ ასევე იტაცებთ ავტომობილის შესაძლებლობების გამოცდა და ნაკლებად ფიქრობენ საფრთხეზე. ყოველივე ზემოხსენებულს ემატება გამოცდილების ნაკლებობა, რაც კიდევ უფრო ზრდის არსებულ რისკს. ამერიკის საავტომობილო ასოციაციის მიერ ჩატარებული კვლევის თანახმად, თინეიჯერის მიერ ავარიაში მოხვედრის ალბათობა 4-ჯერ მეტია, ვიდრე ზრდასრული მძღოლის. ამასთანავე, თინეიჯერის მიერ ავტოსაგზაო შემთხვევის მოხდენის რისკი მნიშვნელოვნად მცირდება, თუ მისი მგზავრი 35 წელს გადაცილებულია, მაშინ როდესაც, ავტომობილში ახალგაზრდა მგზავრის არსებობა თინეიჯერის მიერ ავტო-საგზაო შემთხვევის მოხდენის შანსს 44%-ით ზრდის (ამის მიზეზი შესაძლოა იყოს თანატოლებთან თავის გამოჩენის სურვილი).

გასული წლების სტატისტიკის გათვალისწინებით ნათელია, რომ ავტო-საგზაო შემთხვევების პრობლემა საკმაოდ მწვავედ დგას ქართულ რეალობაში. სტატისტიკა მზარდია, მის შესამცირებლად გადასადგმელ ნაბიჯებს კი ქართული საზოგადოება კვლავაც მოთმინებით ელის.

მომზადდა
ქუშუნა ყანჩაშვილი



შარტავას ქუჩაზე მომხდარი ავტოსაგზაო შემთხვევა

ბააქლირე ჩართულობა - შეცვალე ჩვევა!

29 მარტს, დაავადებათა კონტროლისა და საზოგადოებრივი ჯანმრთელობის ეროვნული ცენტრის ორგანიზებითა და ჯანმრთელობის მსოფლიო ორგანიზაციის მხარდაჭერით, სასტუმრო ბორჯომი პალასში გაიმართა ღონისძიება საქართველო თამბაქოს კვამლის გარეშე. ეს დღე ყოველწლიურად სხვადასხვა პრიორიტეტული თემის გაცნობით აღინიშნება. წელს ის საზოგადოების ჩართულობას მიეძღვნა. საზოგადოების როლი და პოზიტიური გავლენა გადაწყვეტა თამბაქოს მოხმარების პრევენციისთვის.

წელს ეს დღე რამდენიმე ღონისძიებით აღინიშნა, რომლებიც წლის შეჯამებას, ცვლილებების გაცნობას, სიტუაციის გაანალიზებასა და ერთმანეთის გამოცდილების გაზიარებას დაეთმო. დაავადებათა კონტროლისა და საზოგადოებრივი ჯანმრთელობის ეროვნული

ცენტრის თამბაქოს კონტროლის ჯგუფი მედიისა და მუნიციპალიტეტების წარმომადგენლებს ესაუბრა განხორციელებულ საკანონმდებლო ცვლილებებზე, არსებულ გამოწვევებზე, ეფექტურ კომუნიკაციასა და მათი ჩართულობის აუცილებლობაზე.

სხვადასხვა მუნიციპალიტეტის წარმომადგენლებმა წარადგინეს მათ მიერ წარმატებით განხორციელებული ღონისძიებები, ვიზუალური მასალა, მიღწევები, ისაუბრეს არსებულ პრობლემებზე და სამომავლო გეგმებზე.

დედოფლისწყარო იმ 7 მუნიციპალიტეტს შორისაა, რომელიც შეუერთდა თამბაქოს მოხმარების პრევენციის ღონისძიებებს. მუნიციპალიტეტის თამბაქოს კოალიციამ ჩაატარა ბევრი ღონისძიება, სადაც ზრდასრულ ადამიანებთან ერთად ჩართულები იყვნენ მოზარდებიც.

ამ პროექტის ფარგლებში ჩატარდა თამბაქოს მოხმარების პრევენციის კამ-



პანია, ბავშვებმა მიიღეს ინფორმაცია თამბაქოს მავნელობაზე და აქტიურად მონაწილეობდნენ დაგეგმილ ღონისძიებებში. დედოფლისწყაროს მუნიციპალიტეტის მიერ ჩატარებული ღონისძიებების პრევენცია შორისაა ღვინისა და მოზარდების ინფორმირების საკითხს დიდი ენთუზიაზმით შეუდგა. როგორც თავად ამბობს, კამპანიამ შედეგი გამოიღო. თუმცა, საბოლოო შედეგის მიღწევამდე ჯერ დიდი შრომაა გასანევი. მიუხედავად იმისა, რომ ქვეყანაში თამბაქოს მოხმარების პრევენციის მრავალი ღონისძიება ტარდება, საზოგადოების ქმედება გადაწყვეტია.

ბააქლირე ჩართულობა - შეცვალე ჩვევა! - ამ სლოგანით გაერთიანებულ საზოგადოებას შეუძლია შექმნას საქართველო თამბაქოს კვამლის გარეშე. პოზიტიური ცვლილებისთვის მნიშვნელოვანი და აუცილებელია თითოეული

ადამიანის ჩართულობა, ინიციატივა და კანონის აღსრულება.


გვახსოვდეს, რომ თითოეული მოქალაქის ჩვევა ქმნის საზოგადოების ქმედებას.

„სამოქალაქო სექტორის აქტიური ნაწილისა და მედიის ერთობლივი ქმედებითა და ძალისხმევით შესაძლებელია მოვახდინოთ პოზიტიური გავლენა თითოეულ ადამიანზე და შევცვალოთ მანვე ჩვევა. ეს უზრუნველყოფს ჯანსაღ გარემოს და მომავალი თაობების სწორ დამოკიდებულებას თამბაქოს მოხმარების მიმართ. ჩვენ ყველას ერთად შეგვიძლია შევქმნათ საქართველო თამბაქოს კვამლის გარეშე“ - მიანიშნებს დაავადებათა კონტროლისა და საზოგადოებრივი ჯანმრთელობის ეროვნული ცენტრის თამბაქოს კონტროლის ჯგუფის წარმომადგენლებს.

ინგა შილაშვილი



აუტიზმის შესახებ ცნობადობის ამაღლების მსოფლიო დღე



2 აპრილი აუტიზმის შესახებ ცნობადობის ამაღლების მსოფლიო დღეა! აუტიზმის სპექტრი პირველად 1943 წელს აღწერა ამერიკელმა ფსიქიატრმა კანერმა და ამ მდგომარეობას აუტიზმი უწოდა. აუტიზმი თავის ტვინის ნეირობიოლოგიური დარღვევის შედეგია, რაც მნიშვნელოვან გავლენას ახდენს ბავშვის ვერბალური და არავერბალური კომუნიკაციის უნარზე, სოციალური ურთიერთობების ჩამოყალიბებასა და ზოგადი განვითარების პროცესებზე. ძირითადი დამახასიათებელი ნიშნებია:

- მეტყველების დარღვევა და მისი განვითარების შეფერხება (მეტყველების პრაგმატულ მხარე დარღვეულია კერძოდ: უჭირთ ჯერის დაცვა, ხტებიან ერთი თემიდან მეორეზე, იყენებენ კონტექსტიდან ამოვარდნილ ფრაზებს და სხვა.); კომუნიკაციის უნარის დარღვევა; სოციალური ინტერაქცია; შეზღუდული ინტერესები.
- აუტიზმის მქონე ბავშვებს გარდა სოციალური, კომუნიკაციური (ვერბალური და არავერბალური) დარღვევებისა აღინიშნებათ ქცევითი სფეროს სირთულეები. ის რასაც ტიპური შემთხვევებისას ჩვეულებრივად ვაკეთებთ ამ დროს პრობლემური ხდება. მათთვის დამახასიათებელია სტერეოტიპული ქცევები ან რუტინა. (რუტინა მნიშვნელოვან როლს თამაშობს ბავშვისთვის შოუთის მართვაში და მისმა დარღვევამ შეიძლება გამოიწვიოს ძლიერი დისტრესი) ამიტომ არის მნიშვნელოვანი დავადგინოთ თუ რას ვესაუზურება ესა თუ ის ქცევა. ბავშვები იბადებიან აუტიზმით თუმცა მისი ნიშნებზე ყურადღების გამახვილება ხდება შედარებით გვიან დაახლოებით 2-3 წლიდან. მაშინ, როცა თვალსაჩინო ხდება ბავშვის მეტყველების განვითარებისა და სოციალური ურთიერთობების პრობლემები. ამ მდგომარეობით რჩება ადამიანი მთელი სიცოცხლის მანძილზე.
- გამოვლინების ხარისხის მიხედვით აუტიზმი მრავალფეროვანია. ყველაზე ძლიერ ფორმას ახასიათებს გარემოსთან კონტაქტის შეუძლებლობა, ყველაზე სუსტი ფორმა ჰგავს პიროვნულ აშლილობას ან დასნაჯის უნარის დაქვეითებას. ამ მდგომარეობაზე უამრავი მითი არსებობს, რომლის რეალურ ვარიანტებსაც ახლა შემოგთავაზებთ:
 - მითი: გაურბიან სოციალურ კონტაქტს.
 - რეალობა: ხშირად სურთ ვინმესთან დამკვიდრება, თუმცა, ეს მათთვის ადვილი არ არის.
 - მითი: არ აქვთ დამოუკიდებელი და წარმატებული ცხოვრება.
 - რეალობა: შესაბამისი განათლების მიცემით უმეტესობას შეუძლია საზოგადოებაში თავის წარატებით დამკვიდრება.
 - მითი: აუტიზმი ცუდი ალზრდის შედეგია.
 - რეალობა: კვლევებიდან ჩანს, რომ აუტიზმი ცუდი ალზრდით არ არის გამოწვეული, არამედ იმით, თუ როგორ ვითარდება ბავშვის ტვინი დაბადებამდე.
 - მითი: ყოველთვის აქვთ განსაკუთრებული ნიჭი და უნარები.
 - რეალობა: აუტიზმის მქონე ბევრ ადამიანს აქვს ნორმალური და მაღალი ინტელექტის კოეფიციენტი. დადგენილია, რომ აუტიზმის სპექტრის მქონე ადამიანების 10%-ს შეიძლება ჰქონდეს განსაკუთრებული შესაძლებლობები, ისეთ სფეროებში, როგორებიცაა მუსიკა, ხელოვნება, მათემატიკა, მექანიკა.
 - მითი: აუტიზმი იკურნება.
 - რეალობა: ამჟამად არ არსებობს დადასტურებული შემთხვევა. სპექტრის მქონე ინდივიდები ძალიან კარგად რეაგირებენ სტრუქტურულ ადრულ ჩარევაზე, განათლებასა და პროფესიულ განლაგებაზე, რომლებიც ფოკუსირებულია აუტიზმის მქონე მოსწავლეების უნიკალურ სწავლებაზე.
 - მითი: არ აქვთ თვალთ კონტაქტი.
 - რეალობა: როდესაც სპექტრის მქონე ადამიანს აქვს კონტაქტი, არის მოდუნებული და თავდაჯერებული, თვალთ კონტაქტი შეიძლება სპონტანურად მოხდეს.
 - მითი: არ ახასიათებთ ემოციების გამოხატვა.
 - რეალობა: აუტიზმი ადამიანს არ ართმევს ემოციების გამოხატვის უნარს. ის უბრალოდ სხვადასხვა გზით გამოხატავს მას.

მოწოდება

გიორგი აბიათარი

ჩემო ერთადერთო საფიცარო შვილო, გიორგი. 5 აპრილს შენ 32 წლის გამხდდი. არადა, ეს საუფლო 18 წლისამ დატოვე. დატოვე დედა და ახლობლები, ვინც შენ გიყვარდა და შენი სიცოცხლე შესწირე სამშობლოს სიყვარულს. დედი, როგორი მწარეა ეხლა ჩემთვის ყოველი იმ სიმწარის გამოვრება, რაც უკრაინაში ხდება. შენხელა ბიჭები როგორ იხოცებიან სამშობლოს დასაცავად. დედიკო, ძალიან მწარეა ყველა იმ სიმწარის გადატანა, უკრაინელი თუ რუსი ჯარისკაცის დედის ტკივილი. მე ხომ ეს 2008 წლის ომში გამოვცადა. დღეს შენ რომ ცოცხალი მყავდე, არ გაჩერდებოდი და იმ ქართველ ბიჭებს შეუერთდებოდი, რომლებიც უკრაინის თავისუფლებისათვის იბრძვიან. ჩემო სიცოცხლე, რა ფასი აქვს უშენოდ ჩემს ყოფნას. ძალიან მიჭირს, დედიკო, სხვის შვილებს და შვილობილებს რომ ვუყურებ. ღმერთმა დიდი ხნის სიცოცხლე მისცეს ყველას. გული ძალიან მტკივა, რომ უშენოდ მოდის შენი დაბადების დღე. ღმერთმა ნათელში ამყოფოს შენი უკვადავი სული. ღმერთს ვთხოვ, რომ მალე შეგავახედროს ერთმანეთს. შენს გულზე დაყრილი მინა ბუმბულად იქცეს, შენ რომ არ დაგამძიმოს. მე აქედან სანთელს და საკმევებს არ მოგაკლებ.

შენი დედა ლიზა აბიათარი და ახლოკლები

- გოდერძი აბულაშვილი და ეთერ ფიცხელაური ოჯახით თანაგრძნობას უცხადებენ ცისმარ, ავთანდილ ჯანაშვილებს და მათ ოჯახებს დედის, ღვანლმოსილი პედაგოგის, **მერი თანდაშვილის** გარდაცვალების გამო.
- სოფლის მეურნეობის სამმართველოს ყოფილი თანამშრომლები თამაზ ჯანაშვილი, ნანა ჭიჭინაძე, ნანა აფციაური, ივერი ჭუჭულაშვილი თანაგრძნობას უცხადებენ ამავე სამმართველოს ყოფილ უფროსს ავთანდილ ჯანაშვილს დედის ღვანლმოსილი პედაგოგის **მერი თანდაშვილის** გარდაცვალების გამო.
- სეილან, გელა, გოჩა ლაპაშვილები თანაგრძნობას უცხადებენ ნიაზი იაკობიშვილს მეუღლის, ნინოს მამის, თეას მამამთილის, გიორგის პაპის, ვანო შანშიაშვილს სიმამრის, მარი, ქეთი ნიკოლოზ შანშიაშვილებს პაპის **ჩიტო იაკობიშვილის** გარდაცვალების გამო.
- მეზობლები: გოდერძი აბულაშვილი, გურამ ნატროშვილი, ვასილ აბულაშვილი, ოთარ კიკნაძე, ილია მჭედლოშვილი, ლია პოპიაშვილი, ვაჟა ნაროზაული ოჯახებით თანაგრძნობას უცხადებენ მაკა, დავით, გოგი და რიტა გივიშვილებს მამისა და მძახლის **ინანე (ბაპო) შამანიძის** გარდაცვალების გამო.

სამშობლოდან სამშობლომდე...

24 თებერვალს რუსეთმა ფართომასშტაბიანი ომი უკრაინაში ცინიკური საბაბით დაიწყო-უკრაინელი ხალხის დაცვა სისხლისმსმელი რეჟიმისგან და ქვეყნის დენაციფიკაცია. რეალურად კი საბჭოთა ნოსტალგიით შეპყრობილმა რუსეთის პრეზიდენტმა ვეროპავამ იმ მასშტაბის კრიზისი გამოიწვია, რომელიც კონტინენტს მთელი მსოფლიო ომის შემდეგ არ უნახავს. მილიონობით უკრაინელი ლტოლვილად იქცა და უამრავი უკრაინელი ბავშვი, ქალი თუ მამაკაცი შეენირა იმპერიალისტურ მიზნებს. უკრაინაში ჩარჩენილია ჩვენი ათასობით მოქალაქე. ამ ადამიანების ცხოვრება ომმა სრულიად შეცვალა. უკრაინელი ხალხის დახმარება ახლა მხოლოდ თავისუფალი სამყაროს სოლიდარობას და დახმარებას შეუძლია.

სუზანა მსოფლიო დედოფლისწყაროდანაა. მან ათეულ წელზე მეტი გაატარა უკრაინაში, კერძოდ ქალაქ კიევიში. უკრაინაში იბრუნა ადამიანისთვის ერთ-ერთი ყველაზე მნიშვნელოვანი რამ, ცხოვრების მეგზური. დაოჯახდა. ჰყავს უკრაინელი მეუღლე და ოთხი ქალიშვილი მარია. უკრაინა მისთვის, ფაქტობრივად, მეორე სამშობლო გახდა. კიევიში ჰქონდა საყვარელი საქმე-სილამაზის სალონი, სადაც საკუთარ შრომასა და ენერჯის დებდა. სამუშაოდ იმის მიტოვება, რასაც წლებების განმავლობაში აწეებდა, მოულოდნელად და გაუთვალისწინებლად მოუწია, უპირველესად შვილის და საკუთარი თავის დასაცავად. „24 თებერვალამდე ხალხში მუსიკებდა აზრი იმის შესახებ, რომ შესაძლებელი იყო ომის დაწყება, მაგრამ მაინც ბოლომდე გვეჯეროდა, რომ ამ ომს თავიდან ავიცილებდით. ომის დაწყებისთანავე წავედით სოფელში ჩემს დედა-მთელთან. ეს სოფელი 70 კილომეტრითაა დაშორებული კიევიდან. გარკვეული პერიოდი იქ გავჩერდით და შემდეგ მე

და ჩემი შვილი წავედით ლვოვში. ორი დღე მოგვინია გზაში ყოფნა, რადგან გადაადგილება მხოლოდ დღისით იყო შესაძლებელი. ლვოვიდან 100 კმ. რჩებოდა პოლონეთის საზღვრამდე. ეს ასი კილომეტრიც მშვიდობით გავიარეთ და ჩავედით პოლონეთში.“


პოლონეთი აღმოჩნდა იმ ქვეყნიდან ერთ-ერთი პირველთაგანი, რომელმაც უკრაინიდან მილიონობით ლტოლვილი მიიღო. საზღვარზე მოწყობილი ჰუმანიტარული დახმარების პუნქტები პირველად დახმარებას უწევდა ადგილზე მისულ ლტოლვილებს. აქედან სდებოდა მათი გადასახლება მთელი ქვეყნის მასშტაბით. სუზანაც სწორედ იმ მდგომარეობის შესახებ გვიყვება, რაც იქ ნახა. „თქვენ ვერ წარმოიდგენთ, რამდენი ადამიანი იყო საზღვარზე. იმის შანსი, რომ მე იქ თავშესაფარი ვერ მეპოვა, იყო მაღალი. ამიტომ მივმართე საქართველოს საელჩოს პოლონეთში იმ იმედით, რომ დახმარებოდნენ მცირედით მაინც. არ შემძლია, არ გამოეხატო ჩემი გულსიტკივილი საელჩოს წარმომადგენლის დამოკიდებულებისადმი. ჩემი მრავალჯერადი მცდელობის მიუხედავად, პასუხად მივიღე მხოლოდ უარი და გარკვეული გაღიზიანებაც კი ჩემი თხოვნის გამო. მათი პასუხი ასეთი იყო: - თქვენნაირი ბევრია და ყველას ვერ დავეხმარებითო. და რომ არა აქაური და პოლონეთში მცხოვრები ქართველების გვერდში დგომა, არ ვიცი, რა მდგომარეობაში აღმოვჩნდებოდი მე და ჩემი შვილი. ფაქტი, როდესაც შენი ქვეყნის საელჩო (მე საქართველოს მოქალაქე ვარ), არ თუ ვერ გეხმარება, დამეთანხმებით, რომ ძალიან გულსატკეპნია.“

საქართველოში დაბრუნების შემდეგ, სუზანას, რა თქმა უნდა, სჭირდებოდა შემოსავალი, იმისათვის, რომ ეარსებებინა. ამიტომ მშობლიურ დედოფლისწყაროში

ჩამოსვლისას, მან აქტიურად დაიწყო საკუთარი პროფესიით სამსახურის ძებნა. სწორედ ამ ძიების პროცესში შეალო სილამაზის სალონი „შვარცკოვის“ კარი. როგორც მისი დამსაქმებელი, ირმა შარმაზანაშვილი გვეუბნება, ადამიანური და მორალური პრინციპებიდან გამომდინარე, შეუძლებელი იყო უარის თქმა. სალონში კადრი ნამდვილად ესაჭიროებოდა და გასაჭირში მყოფი თანამემამულის დახმარება საკუთარ მოქალაქეობრივ ვალადაც ჩათვალა. ასევე აღნიშნა, რომ სუზანას ეს სამსახური ექნება მანამდე, ვიდრე ის უკრაინაში არ დაბრუნდება.

მთელი მსოფლიო გაცემულია უკრაინელი ხალხის ერთიანობით, პატრიოტიზმით, სიმამაცითა და თავდადებით. ჩვენი საუბრის დასასრულს, სუზანა სწორედ ამას გვესაუბრა.

„უკრაინელ ხალხში არის გამარჯვების ძალიან დიდი მუსტი. ისინი იბრძვიან საკუთარი თავისუფლებისა და წინსვლისთვის. ვერ ნახავთ უკრაინელს, რომელიც არ იყოს ჩართული ამ ბრძოლაში. ვისაც რა შეუძლია, იმით ცდილობს, დაუდგეს დანარჩენებს გვერდით. იმედი მაქვს, რომ ძალიან მალე დასრულდება ეს ყველაფერი და მე და მარია დავბრუნდებით ჩვენს მეორე სამშობლოში. თქვენი გაზუთის საშუა-



ლებით მსურს მადლიერება გამოვხატო ყველა იმ ადამიანის მიმართ, ვინც გულთან ახლოს მიიტანა ჩვენი მდგომარეობა და გამოგვინოდა დახმარების ხელი. ამ სამყაროში არაფერი იკარგება. სიკეთეც და ბოროტებაც ყოველთვის ბუმერანგით ბრუნდება უკან.“

შუშუნა ყანჩაშვილი
ხათუნა ბანაშვილი

„ომის გამომწვევის ექსპორტი შემცირდება“

„რეალურად ძალიან დიდი გამოწვევის წინაშე დავდებით, რაც ღვინის ექსპორტის კლებაში აისახება“, - ასე უპასუხა ღვინის ეროვნული სააგენტოს ხელმძღვანელმა ლევან მხარაძემ BM.GE-ის მიერ ქართული ღვინის ექსპორტზე რუსეთ-უკრაინის ომის გავლენის შესახებ დასმულ შეკითხვას.

სააგენტოს ხელმძღვანელმა ამ ეტაპზე რიცხვების დასახელებისგან თავი შეიკავა და თქვა, რომ უახლოეს დღეებში პირველი კვარტლის ღვინის ექსპორტის მაჩვენებლების შეჯერების შემდეგ სურათი უფრო ცხადი გახდება.

„გასულ წელს ექსპორტზე 100 მლნ ბოთლზე მეტი ღვინო გავიდა, რაც რეკორდული რაოდენობა იყო. ამიტომ საბოლოო ჯამში 2022 წელი ქართული ღვინისთვის გამოწვევებით აღსავსე და მტკიცე წელი იქნება. რამდენიმე დღეში უკვე გავანალიზებთ ომის გავლენის შედეგებს, რაც პირველი კვარტლის მაჩვენებლებში აისახება და შესაბამისად ზუსტ პროგნოზებს გავაკეთებთ, თუმცა ზოგადად ვფიქრობ, ღვინის ექსპორტი მნიშვნელოვნად შემცირდება“, - განაცხადა მესხუზამ.

მისი ინფორმაციით, მარტში უკრაინაში გასაგები მიზეზების გამო ღვინის ექსპორტი სრულად შეწყდა, ხოლო ბელარუსის და რუსეთის მიმართულებით შემცირდა.

„მარტში უკრაინაში არც ერთი ბოთლის ექსპორტი არ განხორციელებულა, მკვეთრად არის შემცირებული ექსპორტი ბელარუსის და რუსეთის მიმართულებით, თუმცა გარკვეული აქტივობა ბოლო ორი ქვეყანაში ნარჩუნდება. ეს არსებული ვალდებულებების შესრულების აუცილებლობიდან გამომდინარეობს. კონტრაქტების დასრულების შემდეგ კომპანიები გადაწყვეტენ გააგრძელონ თუ არა რუსეთისა და ბელარუსის მიმართულებით ექსპორტი. ამ პირველი ტალღის შემდეგ ექსპორტი შეიძლება კიდევ უფრო მეტად შემცირდეს, რადგან შესაძლოა ახალი ვალდებულებების აღება აღარ მოხდეს“, - განმარტა ღვინის ეროვნული სააგენტოს თავმჯდომარე.



ცნობისთვის: მიმდინარე წლის 2 თვეში საქართველომ 11.263 მლნ ლიტრი ღვინის ექსპორტით 33 მლნ დოლარის შემოსავალი მიიღო. ქვეყნიდან გატანილი ღვინის მოცულობა აღემატება როგორც 2020-2021 წლების იანვარ-თებერვლის, ასევე პანდემიამდე არსებული ამავე პერიოდის მაჩვენებელს. (2019 წ. — 10.729 ლიტრი; 2020 წ. — 8.923 ლიტრი; 2021 წ. - 7.652 ლიტრი).

ყურადღება!

7 აპრილს 13:00 საათზე დედოფლისწყაროს მხარეთმცოდნეოების მუზეუმში შპს აირთა ფოტო-გამოფანა გაიხსნება.

„ჩვენ - 30 ამბავი“ მომზადდა პროექტის „ბავშვები სტერეოტიპებით არ იბადებიან“ ფარგლებში.

ლევან ხერხეულიძისა და არჩილ ქიქოძის ფოტოგამოფანა სილნალსა და ქვეყნის სხვა ქალაქებში მცხოვრები შშმ მოზარდების და ადამიანების ისტორიებს მოიცავს, რომელთა შესახებ ფოტო გამოფანა და ნიგნი შვედური დაფინანსებით მომზადდა.

პროექტს ახორციელებს შვედური ორგანიზაცია „გლადა ჰუდიკ თეატრი“, მხარდამჭერია თემი „ქედელი“. გამოფენის გახსნის შემდგომ მოენცობა შვედური ფილმის, „მოდის ჩვენება - გლადა ჰუდიკიდან ნიუ-იორკამდე“.

ლონისძიება იმართება დედოფლისწყაროს მუნიციპალიტეტისა და მხარეთმცოდნეობის მუზეუმის მხარდაჭერით. გამოფანა დედოფლისწყაროში თვის ბოლომდე დარჩება. დასწრება თავისუფალია.

ა პ რ ი ლ ი		დ ე დ ო ფ ლ ი ს წ ყ ა რ ო				
ორშაბათი 04.04 ღვ.	სამშაბათი 05.04 ღვ.	ოთხშაბათი 06.04 ღვ.	ხუთშაბათი 07.04 ღვ.	პარასკევი 08.04 ღვ.	შაბათი 09.04 ღვ.	კვირა 10.04 ღვ.
20°	3°	16°	6°	18°	7°	18°
20°	3°	16°	6°	18°	7°	16°
20°	3°	16°	6°	18°	7°	16°
20°	3°	16°	6°	18°	7°	16°
20°	3°	16°	6°	18°	7°	16°
20°	3°	16°	6°	18°	7°	16°
20°	3°	16°	6°	18°	7°	16°
20°	3°	16°	6°	18°	7°	16°
20°	3°	16°	6°	18°	7°	16°
20°	3°	16°	6°	18°	7°	16°
20°	3°	16°	6°	18°	7°	16°

<p>გამომცემელი შპს „შირაპი“ დირექტორი ინგა შიოლაშვილი რედაქტორი ნაირა გორაშვილი-პოპიაშვილი წერილობითი მთავარი ფაქტებსა და ციფრებს უკავს ანა ავთო.</p>	<p>სარედაქციო კოლეგია: შუშუნა ყანჩაშვილი (ყურნალისტი); ელზა ხარაშვილი (სტილისტ-მენეჯერი); ხათუნა ბანაშვილი (კორექტორი); ნათელა ზოსტაშვილი (ბუღალტერი); ინაზი ჯანაშვილი (ოფის-მენეჯერი); მზინა ძინძაძე (საქმის მწარმოებელი).</p> <p>გაზეთი აიწყო და დაკაბადონდა „შირაპის“ კომპიუტერულ ბაზაზე. ყოველკვირეული გამოცემა იბეჭდება შ.პ.ს „კოლორ პრესის“ სტამბაში.</p>	<p>რედაქციის მისამართი: ქალაქი დედოფლისწყარო, ფიროსმანის №18, ტელ. 0 356 22 22-85; 598 72-18-72 (დირექტორი) 591-09-24-65 (რედაქტორი)</p> <p>რეგისტრირებულია დედოფლისწყაროს რაიონის სასამართლოს მიერ, №6014-468.</p>
---	---	---